

中國地方志集成

中國地方志集成

海峽殖民地卷

新加坡中華總商會編

中國地方志集成

安徽府縣志輯 ③①

光緒重修五河縣志

嘉慶懷遠縣志



江蘇古籍出版社 ● 上海書店 ● 巴蜀書社

中國地方志集成

安徽府縣志輯③①

出版發行 江蘇古籍出版社

社 址：南京市中央路一六五號

發行部電話：〇二五—三二二三四六二

郵 編：二一〇〇〇九

印 刷 上海市印刷七廠

定 價 二五四元

責任編輯 王華寶

封面設計 范一辛

美術編輯 姜 嵩

1998年4月第1版第1次印刷

ISBN 7—80519—988—4/K·467

一邑之志其為編輯也亦僅耳然殫成之甚不易也邑之故事雜見於經史百家之編者有一字之遺於採錄其蔽也陋當代

之務與章濫度之損益一時之賢俊孝弟貞廉之行有一事遺於臚列其蔽也疎能詳於古今而其識不足以衡是非言不足

以經事變浮而窳當冗而無序其蔽也闇雖然不陋矣不踈矣不闇矣而徒以誇其記問聘其文藻遂足謂之志厚哉夫志者

心之所志也志民生之休戚也志天下之命脈也志前世之盛衰以為鑒也志異日之因革以為呼籲也非有視一色如一

家視百姓如一身之
心幽微隱曲無所不
到而至於誠惻愷自
然流於肺腑使見之者
惓然而思聞之者惕
然而動則其所志者

懷遠縣志

蕭牆而已非其志也
懷遠孫大令亦訥人
也任懷遠四年其治
無殊異而百姓安之
以邑志久不脩迺
覽載藉鈎求近事勒

為一書繼志周備不
失尺寸其於生民之
利病政治之得失考
之於古驗之於今反
復而平厥有味哉其
言之也


懷遠縣志

天子之設官也以爲
民也而監司之官其
去民愈遠則其於民
愈隔如登高山而視
原隰之州木鬱鬱而
已欲辨而析之而百

目不可得而接也求
 其耳目之接者莫如
 縣令而縣令之能知
 之者蓋窳或又知之
 而不能言或言之而
 不能盡將記問文辭

著述之才有所不足
 手抑其志有所不存
 處余於是而知大令
 之入於懷遠而百姓
 安人於蓋有由也
 嘉慶二十九年歲次

冬之月撫皖使者合
 河秉紘鏞題



楚成子之孫曰極據有方々
 重仁以被大守保息里以請力
 刻之業後付之々々風極歸國々
 名其聲以支物々美為之吏兵
 物以爲平於昔古々河山不
 逢士法未惆悵ふ以吏特自乞
 猶不編修其志之好々々傳
 古々核名矣端好之條利病
 古々年忠庶之其不和庶其
 儀以皆整好々見法後能其上
 庶業亦古々子々用心々々々
 古々々々々々々々々々々々

既出之也馬り之難而夫傳
 古々々々々々々々力り々々以衆
 其負あに々々他。報収
 其方々々々以是古後々々
 古々古々古々々三々孝秋々月
 院藩使若山若韓充洵漢

懷遠縣志序

邑之有志古古史之流所以周知其邑之封界廣輪延袤山川險
隘生理所宜地產厚薄與夫風俗條教政典法制餘役有或耆老
耆舊孝子弟弟賢人女士使長民者有以斟酌故訓行其所利夫
其所弊而縉紳之士亦可以徵文獻條舉以善其俗古者士訓誦
訓所謂道地圖道方志者蓋此也今之從事於志者不詳其義圖
山川形域則畧源委道里而侈陳景物考輿廢沿革則拘循時見
而不證典籍論人物則競綴繁瑣而大節炳著者或畧焉稽藝文
則廣錄詞賦而著述可傳者反缺焉以故體例雖立而不衷於古
分目更繁而不適於文讀者往往病之懷遠有志舊矣自明萬曆
後凡再修余以嘉慶十有八年奉

懷遠縣志

序

序

命視學安徽到官日即徵各府州縣志時陽湖孫君知懷遠事以
舊志進且曰志疎畧將重輯之余閱其書弗能善也顧縣屢困於
水孫君旁午簿書猝未暇為越三年余秩滿還京又二年而孫君
志成走書丐余序志凡存舊者十之八繁蕪者則刪焉增於舊者
幾三倍體裁畫一條例分晰信乎足以資治而無憾也准自桐柏
而下汪洋滂沛數千里而注於海而懷遠當其旋有命山以攝之
故其民秀而樸樂教化雖然下之所興上之所導也上之所感下
之所型也孫君以名進士來尹茲邑政務休養以廉謹稱凡所以
善其化者罔弗事也則此志之成豈僅備掌故矜博雅已哉知其
有以導民而停俗者矣可不謂識治體知所先務乎遂書之以為

序

撰

嘉慶二十一年夏五月翰林院侍讀郎長安徵學政澠浦日錄

懷遠縣志

序

序

懷遠縣志序

鳳陽於明為中都所屬州縣比畿輔而懷遠尤附濠多功臣之家其化宜為各臣如湯友恭年富周銓楊應聘等皆前後相望彪炳史册迄今文學殷盛讀書致科甲者猶為勞邑最余嘗以按行至其地荆塗兩山倚縣左右經之以長淮緯之以渦肥濠漢風氣完固民俗敦樸而比年以淮水之達海者鬱於洪澤湖之淤澱下游不暢則挾各水橫溢為害十歲率四五故閘漸涸劫而可撫守者動益支調則今昔之勢稍殊矣孫君訪山以進士出宰是邦推其醇靜彬雅之學留心於教養民感如風草以邑志之久而不修也倡捐而修之既博既核多而不濫簡而不漏其於山川之形勢土地之高下風俗之美惡今古異宜利病異情措置異宜尤兢兢三

懷遠縣志序

致意焉蓋其學贍而識卓誠有瞭然於胸中而整然可運之掌上者而非徒以是為飾治之具也鳳陽屬邑如宿州定遠壽州靈璧等其志或缺畧無次或闕歲百數而不修或經殘毀并其書而無之長吏官此者何嘗不以纂輯為念而簿書期會常若日不暇給其學問聞見又不足以周悉隱伏綜覈網維則遷延以爲緩圖孫君之識治體審先後達時務能得民之和隨所施而裕如即此亦可知也已方將推其所言以措諸政俟其教業卓其財求導利而布之使民氣完復土風還淳蒸蒸然漸進於古無不可以是書驗之也

嘉慶二十有四年歲在己卯仲春之月知鳳陽府事淮南倪思淳

撰

懷遠縣志目錄

卷一 志第一

地域志 四至 都關 諸水 陽分 諸山

卷二 志第二

賦稅志 戶口 糧米 丁賦 田賦 起解 稅課 生支 撥給 耗羨 土產

卷三

志第三

學校志 學校 書院 學署 名宦祠 鄉賢祠 忠義祠 貞節祠

卷四 志第四

祠祭志 縣志 縣志 縣志

卷五 志第五

懷遠縣志

目錄

兵防志 營 軍裝 軍械 軍餉 軍器 軍馬 軍船 軍器 軍馬 軍船

卷六 志第六

倉儲志 倉庫 倉庫 倉庫 倉庫 倉庫 倉庫 倉庫 倉庫 倉庫 倉庫

卷七 志第七

營建志 城 署 署 署 署 署 署 署 署 署

卷八 志第八

水利志

卷九 志第九

五行志

卷十 志第十

藝文志 藝文志 藝文志 藝文志 藝文志 藝文志 藝文志 藝文志 藝文志 藝文志 藝文志

卷十一	建置沿革記	記第一
卷十二	歷代大事記	記第二
卷十三	古城成考	
卷十四	職官表	表第一
卷十五	選舉表	表第二
卷十六		表第三
懷遠縣志 目錄 二		
卷十七	世襲封蔭表	傳第一
卷十八	史册英賢傳 <small>通</small>	傳第二上
卷十九	史册英賢傳 <small>通</small>	傳第二下
卷二十	史册英賢傳 <small>通</small>	傳第三上
卷二十一	耆舊傳 <small>通</small>	傳第三下

卷二十二	列女傳 <small>通</small>	傳第四上
卷二十三	列女傳 <small>通</small>	傳第四下
卷二十四	方技傳	傳第五
卷二十五	流寓傳	傳第六
卷二十六	良吏傳	傳第七
卷二十七		
懷遠縣志 目錄 三		
卷二十八	序錄	

頁	子	監	生宋懋言
武	學	生	生宋喜迎
國	子	監	員邵鼎
國	子	監	生湯扶萬
國	子	監	生魏維廉
國	子	監	生馬獻廷
從	九品	職	生馬逢春
			銜王鳴周

懷遠縣志 卷首 職名 三

懷遠縣志卷之一
賜同進士出身安徽鳳陽府懷遠縣知縣孫讓修
地域志
懷遠縣在 京師南二千一十里甯江總督治江甯府北三百六十里安徽布政司治安慶府西北六百三十里鳳陽府治鳳陽縣西北八十里
至 京師陸行取道宿州而北水行沿淮至淮安入運河達天津三千六百八十里至江甯陸行取道鳳陽而東水行沿淮入運河出江一千五百里至鳳陽陸行取道徐家橋而東九十里
水行沿淮由蚌舉而東一百十里
東西廣一百二十里南北袤一百六十里東南至西北斜縱一百七十里東北至西南斜縱一百一十里周圍五百二十里東至鳳陽縣界蚌舉三十里至縣治九十里西至蒙城縣界潁鄆九十里至縣治一百四十里南至鳳臺縣界黑河七十里至縣治一百四十里北至宿州界潁河九十里至州治一百七十里東南至定遠縣界北爐橋九十里至縣治一百八十里西南至壽州界黃山集七十里至州治一百五十里東北至靈璧縣界太平岡二十五里至縣治一百八十里西北至宿州界趙家集八十里至州治一百七十五里
其地治縣分十都都分十圖而第十都特多二圖凡一百有二圖
縣前一圖 土樓一都二圖 龍窩一都三圖 文昌街半里
一圖 龍王集里一都五圖 呂家淺一都六圖 觀音閣西

懷遠縣志 卷一 地域志 一

其走集之地較商賈蕃麗里者曰洛河鎮曰洛河鎮曰上密鎮曰
考城鎮曰龍亢城爲最著其餘負販所會逢期趨墟者每五六里
內輒有之弗塘蘇家集何溜集何家集馬頭集其大者也

縣境諸山

荆山縣所倚也在治西南濱淮突起旁無附麗或云其脈自平阿
山迤邐而來頗斷續不可尋也山之顛啓廟在焉騎嶺而南分一
隴東行其麓有三皇廟其右爲大聖寺嶺又南一高隴直東行土
人謂之大山勝子俗謂爲勝言其如臂之而抱也坡隴而下盡
于淮爲上洪古名荆山洪其西南分隴復起小山爲斷梅谷一統
志謂之斷接谷謂是神禹鑿山處山勢趨淮水中有州爲曹家
洲相傳以爲防風塚石洲也自山嶺騎嶺稍北分二隴一隴西行

懷遠縣志

卷一

地理志

四

玉坑在焉土人謂之白雲堆又謂之眠羊石旁有池曰鳳泉池坡
隴西北行三里許爲龜山其旁爲駱駝嶺一隴北行迤邐爲抱璞
巖山之半爲卞和洞文昌閣關帝廟東嶽廟皆在其下前起小土
岡爲雲龍岡亦名黃土岡迤西南學宮莫壽卞和洞之左石山舉
礪永窟宮在其麓西南折縣治莫壽永窟宮之西花將軍墓亦土
山也荆山西北隴斷而復起曰橫山橫山亦謂之笛山龜山亦謂
之鼓山俱以形似名

水經注淮出於荆山之左當塗之右

梁書呂義之傳督景軍作荆山堰

魏書地理志沛郡已吾有荆山

隋書地理志鍾離郡後齊置郡曰荆山

宋蘇軾東坡集上巳日遊塗山荆山記所見自注曰荆山下有
卞氏採玉坑石如玉不受鑿刻取出山下輒變色不復溫潤
元豐九域志蕪縣有荆山鎮

祝穆方輿勝覽荆山在鍾離縣西八十三里梁魏戰爭時又築
堰以灌壽陽 斷梅谷周宗征淮以荆塗二山乃濠州之朝岡
有王者氣命斷之有梅族居此因曰斷梅谷

王應麟玉海濠州安撫使荆山在西濠水合流

宋濂遊荆塗二山記自塗山麓北經縣治折而西行約二里所
至荆山梁魏交兵時就山築堰以灌壽春其遺跡猶斑斑可見
復行三十步崖厂如屋側身而入石平如床可坐爲卞和洞自
西上復一里所過避雨石石斜倚可避風雨故名又六十步至

懷遠縣志

卷一

地理志

五

產玉坂奇石駢立元質而白綠紫如霜雪云其西有玉池棊荆
迷路不可尋矣

曹學佺天下各勝志荆山在縣治西南城經其上山西北有玉
坑乃卞和採玉之所其石白潔異常可木志云山有避雨石石
上有三人影傍鑄玉佛二字下有二人卧跡東有卞和洞一名
抱璞岩可容十餘人又有圓石周可丈二尺上鑄元帝仙桃等
字明史地理志懷遠縣荆山在縣西南

大清一統志荆山在懷遠縣西南一里水經注淮水出荆山之

左當塗之右魏書地理志已吾有荆山府志東麓有白龜泉北
麓有溢貢泉西北有玉坑其北有玉澗南麓有煤澗一名梅澗
顧祖禹讀史方輿紀要懷遠縣荆山在縣治西南今縣城經其

上蕭梁于山下立墩以遏淮流因曰荆山堰魏人亦于此地置戍以重兵守之南北多事荆山常爲襟要處水經注淮水過塗山而後至荆山胡氏曰塗山在鍾離西九十五里荆山在鍾離西八十五里蓋淮流屈曲故道里相懸也 按水經注絕無過塗山而後至荆山之文自鍾離至荆山則必先過塗山胡氏九十里八十五里之差明是文字之誤不當從而爲之辭也

康熙鳳陽府志荆山在縣西南一里高一百八十五丈周圍一十七里上有啓王廟山頂西北有玉坑卞和得玉處也其中白石晶瑩異常他石色皆青黑山上舊有三仙避雨石前有三人影迹上有玉佛二字後亦有二人跡今裂作三塊山下有仙人卧跡俗名仙人牀東有卞和洞卽抱璞巖中可容數十人石上

懷遠縣志 卷一 地理志 六

有青螺石帳四大字內有泣玉論明御史李循義筆上有瀑布下流激石如碎瓊山下有圓石上鐫二十字云元帝仙桃石行來人不識畧剖與君知萬載留蹤跡 龜山在縣西卽荆山北支橫山荆山西支

乾隆江南通志荆山在懷遠縣西南舊志云山西北有玉坑相傳卞和得玉處其中白石晶瑩不受鑿刻東有卞和洞一各抱璞岩可容數十人上有瀑布又有三仙避雨石仙人睡跡北有濯玉洞南麓有梅澗山之餘支爲龜山橫山 斷梅谷在荆塗二山間或曰二山本爲一脈禹以桐柏之流泛濫爲害乃鑿山爲二以通之今兩山間有斷梅谷濱淮爲勝云或曰周世宗以荆塗有王氣斷之時谷有梅氏聚族居焉因名

舊縣志荆山在縣治西南二里高一百八十五丈周圍一十七里上有啓王廟山頂西北有玉坑爲卞和採玉處陔陔十數似白石晶瑩不受鑿刻山下有三仙避雨石高七尺廣三尺有三人影上有玉佛二字石今斷爲二下有仙人睡跡俗呼爲仙人牀東下有卞和洞巨石略圓橫嵌巖架中可容數十人夏月暑氣不到萬歷時構亭洞口題曰抱璞巖俯瞰萬狀蓋一邑奇觀也

玉峽東南有池深一丈名曰鳳皇池相傳有鳳集故名明御史楊瞻題石記之又東下有圓石圍可丈餘上有記云元帝仙桃石往來人不識畧剖與君知萬載留蹤跡又西南麓有小洞二堪容斗粟其石圓淨可愛宛然螺殼因以名洞 龜山在縣治西下瞰渦河卽荆山之支也形類龜故名 防風塚在縣南七

懷遠縣志 卷一 地理志 七

里曹家洲舊志謂禹會諸侯防風氏後至戮之葬于此此洲水長亦長從不淹沒亦奇 附荆山辨証

宋濂遊荆塗二山記荆山楚山也楚之先王熊繹僻在荆山七傳至昭王始遷都鄢郢卽今江陵其地有荆山一名景山荆故楚號也其地宜在楚濠州古鍾離子國與壽春密邇楚自昭王之後歷十一傳始徙都壽春韓非子所載卞和獻玉事乃在厲武文三王之際昭王上接武王已越十世當三王時鍾離何嘗屬楚而強謂卞和至此山耶新序又謂抱玉而泣在共王之時禘記又在懷王及其子平王之時平王乃昭王之父距懷王九世共王上至武王亦六世何顛倒如是耶荆山當正諸史傳以

江陵爲正

方以智通雅壽春有荆山以遷郢而名也楚自昭王之後又遷
十一傳至考烈王始徙都壽春韓非子所載卞和獻玉事乃在
厲武文三王之際昭王上接武王已越卞世當三王時鍾離何
嘗屬楚而強謂卞和至此山耶新序又謂抱玉而泣在共王時
祿詎又謂在懷王及其子平王時平王乃昭王父下距懷王九
世共王上至武王六世差矣按此蓋襲宋金華之文而陳寔尙
不著其名然爲勳說也以懷遠荆山爲卞和獲璧處更誤

舊縣志卞和不知何許人後封零陽侯不就或謂之楚人愚意
和抱玉于荆山而三獻之非習見正知何敢屢進則又疑其爲
荆之逸民焉據宋梅聖俞蘇長公詩則玉實出于此山而和爲

懷遠縣志

卷一

地理志

八

此地人矣但地理通釋及方輿勝覽皆曰卞和得玉爲南漳之
荆山而所獻之時非當成武文三王之世謂韓非子之說爲謬
此外別有所見姑存之以俟有識者

按邑荆山之名始見于水經注及梁書以爲卞氏採玉處始見
于東坡集宋金華聞之是也鄧書燕說詩人之常都邑人十相
矜以古勇每不惜借材異地說有可附因而實之固不必爲道
方志者典訓耳

塗山在淮東與荆夾淮並峙爲勝自縣治至山麓五里雙峰險徑
西峯建禹廟東峯爲無量佛殿山勢西懸於淮而連延於東西南
麓有小塗山頗坦迤文筆峯建焉直西陡下山半有佟祖墓墓面
荆山迎淮水左有象嶺右有獅子山象嶺揚應聘墓在焉獅子山

之麓卽下洪也西北麓起小山爲九龍墳一坡直走游心長可一

里餘其西南麓伏而起爲三山亦謂之九岡起伏重疊濱於
天河其山之引而東者曰石門山兩山如門山半有狼洞頗隘北
下爲石門澗境絕幽曠澗左右有圓石二各逕三丈餘呷之音如
鐘鼓曰鐘鼓石濱於淮石門又東爲夾山有徑通南北爲夾山口
石門迤北高嶺三里許起一山爲洪君廟山濱於淮一尖山附其
南曰尖山自石門騎嶺而東一峯特高曰獨山又東起一峯曰又
東爲熨斗山頂平而窪大可五畝爲熨斗窩又東曰馬牙山其高
並於獨山北行一隴爲茨山又北下兩小山東曰許家山西曰周
家山皆濱於淮馬牙山又東有小山三曰石虎山亦名穀堆山又
名徐家山有石虎廟山神廟也山勢至此盡矣其南七里別起小

懷遠縣志

卷一

地理志

九

山爲秦家山其東南五里別起小山爲黃山土人云黃山香山附
黃山謂之其東三里許越澗溝起小石山孫叔敖墓在其北
即國志所載在引皇覽楚大夫子思家在縣東山縣西去縣四十
里舊志卽此爲孫叔敖墓非也王景傳云臨江郡界有楚相孫叔
敖所起茅殿稻田而皇覽以爲子思弟黃進東北一山曰張公
山與鳳陽縣分界詳視地防茲山之脈宗於莫邪自歷山而北透
迤至碑山拔起五峯左右屏擁中出而伏復隱起於黃山張公山
之間穿波澤間行石澗矣其明也奮於石虎張於馬牙乃始
盤礴鬱積蔽淮而止負西濠憑長淮遠導瀟灑近攝明陵所以作
鎮南邦雄視五嶽滋神聖而集冠裳者也

尙書益稷篇娶於塗山孔安國傳曰塗山國名孔穎達正義曰杜
縣東北塗山國名益近彼山也娶於塗
山言其所娶之國耳非就妻家見妻也

史記夏本紀禹曰予辛壬娶塗山癸甲生啓禹妻塗山氏生啓

說文解字龠會稽山一曰九江當塗也民以辛壬癸甲之日嫁娶从岫余聲虞書曰予娶命山

劉昭續郡國志九江郡平阿故沛有塗山按平阿在淮北安得越淮而有塗山或劉氏誤以平阿山爲塗山也

太康地記塗山古當塗國夏禹所娶也山西南又有禹村蓋禹會諸侯之地帝王紀曰帝會諸侯于塗山在禹貢揚州之域今

九江當塗縣有禹娶之地邑界有當塗故城存焉魏書地志沛郡已吾有當塗山

隋書地理志鍾離郡塗山縣有當塗山

唐六典淮南道各山有塗山

十道志塗山在臨淮郡西引見水

唐李吉甫元和郡縣志鍾離縣塗山在縣西九十五里

杜佑通典濠州昔禹會諸侯於塗山即其地今鍾離縣西百里有塗山是也

新唐書地理志鍾離縣有塗山

宋王存元豐九域志鍾離有塗山

臧穆方輿勝覽塗山鍾離縣西九十里紹興亦有塗山未知孰是

樂史太平寰宇記鍾離塗山在縣西九十五里

太康地志云塗山古當塗國夏禹所娶也山西南又有禹會村

蓋禹會諸侯之地又帝王紀曰禹會諸侯於塗山在禹貢揚州之域今九江當塗縣有禹聚之地

王應麟通鑑地理通釋塗山在壽春縣東北濠州鍾離縣西九十五里禹會諸侯周穆亦會柳宗元有銘

明宋濂遊荆塗二山記棹舟至塗山足曳杖入山山旁廢址舊皆民廬前渡石梁復斗折而上可三里北累石爲塘多藝椒之園行可三里餘視大盤石青綠間錯頽然欹足坐諦視之乾薛

交封之耳有草生石上高一尺其花可愛不假土力人取懸檐間呼爲石蓮花復行四里所巖石拳礪插起道左危傾欲飛墜復二里所從微徑入灌莽抵崖罅貯泉一泓味甚甘覆以生茨

日聖水亭取水以祭雨多驗復一里餘至山顛禹廟在焉遊目

四顧長淮西來渦河北灌而壽春臨濠宿州之境皆在冥茫昏沓中緬想南北戰爭屯戍處爲感慨者久之復從廟西循石坡

下鉅石危立如人形遙望之一嫵儼然也相傳爲啟母石廟史云居人每封羊豕祭之至有以粉黛飾其貌者聞之不覺大笑

山椒舊有僧房今廢

曹學佺天下名勝志懷遠縣塗山在治東南八里水經云淮水出荆山之左塗山之右二山對峙相爲一脈自神禹以桐柏之水泛濫爲害乃鑿山爲二以通之今兩崖間鏗痕猶故

明史地理志懷遠縣塗山在縣東南

大清一統志塗山在懷遠縣東南八里淮河東岸亦名當塗山

左傳昭公四年椒舉言于楚子曰穆有塗山之會又哀公七年

禹跡

宋濂荆塗二山記左氏傳云禹會諸侯于塗山杜預注云有壽春東北說者云今濠州是也國語史記則又云禹會諸侯於會稽亦有塗山吳越春秋亦以塗山在會稽應劭云塗山在永興北說者云今會稽蕭山縣是也是二說已不能歸於一致矣至於蘇鶚演義又云塗山有四一會稽二淪州三濠州四當塗然其處皆有禹跡或者遂謂禹之治水固當遍歷宇內而會諸侯實在會稽之塗山柳子厚塗山銘蘇子瞻子由塗山指在濠者皆非是大抵山川遺跡非本諸經史多不可信必欲可信塗山當稽之左氏以壽春為正有謂塗氏山乃古國各禹會娶其女者別是一說與此殊不相涉也方以智通雅齋山有四古會稽

懷遠縣志

卷一

十一

並轄淮南塗山實在壽春非山陰也淮水過當塗縣非今太平之當塗也塗山在壽春東北濠州鍾離縣西九十五里禹會諸侯周穆王亦會稽又按晉常璩巴志言禹娶塗山今江州塗山是也江州縣郡治塗山有禹土廟及塗后祠北水有銘曰張太守于此仙去水經注引哀七年禹會諸侯于塗山杜預曰塗山在壽春東北史記索隱又以塗山在今九江余按國語仲尼曰禹致羣神于會稽防風後至殺之其骨專車劉向王肅並有此說則鄭君似以塗山在會稽王伯厚確以為在壽春或者禹所至山別有會稽之名乎地理志當塗侯國也淮水過之禹娶塗山即其地呂覽曰江淮以辛壬癸甲為嫁娶日此是証也太平之當塗乃僑立名耳杜預所謂塗山在壽春縣東說者云今濠

州是也吳起春秋亦以會稽有塗山又兼載塗山之歌應劭云塗山在永興北或云蕭山縣是已疑矣蘇鶚演義云塗山有四一會稽二淪州三濠州四當塗皆有禹跡蓋附會耳章本清謂柳子厚塗山銘蘇子由塗山詩指在濠州皆非是此疑未決耳王楙引魯微考異以宣之當塗正禹之娶所則楙尤無識矣當是古之會稽所轄者大戰國之楚則徐州南京皆是也勾踐滅吳則吳地皆越故通稱會稽後分為吳郡會稽郡故又合言吳會或言濠州之塗山甚小豈能容諸侯不知古言其會地豈直在山上耶

懷遠縣志

卷一

十五

無有是說常璩庫仲雍之言鄭氏已明辨之會稽塗山乃因禹會諸侯彼此異文牽連合之因生異說耳所以然者左氏傳言會諸侯於塗山而國語言會羣神於會稽讀者疑為一事遂謂塗山即會稽之異名遂并禹娶之地增飾入之不知竹書紀年禹五年會塗山八年會會稽截然兩地知其為兩時兩地即知會稽塗山各有專名不必疑塗山于會稽矣方氏創為古時會稽地大之說又欲附會稽于塗山以調和兩說見既踰論語尤鮮証不足承也縣之塗山確然為尙書左傳之塗山而會稽則自名會稽山不各塗山也會稽山一名茅山見吳越春秋一名防風山見無塗山之稱惟指山下沙洲為防風塚此淺綴飾自生支節防風自在會稽不在塗山也不得援蘇長公地理注問之

黑石山轉東行過大武山小武山麓而東至考城二十古驛路則
自館頭嘴經九女堆樂王寺涼泉山西麓下牽驢坂東北行至考
城里十土人相傳明末黃得功會駐兵於此故有寨子山黃伯營
今城隍廟房在焉

水經注淮水自莫邪山東北逕馬頭城北

齊春圖經曰莫邪山長老傳云古者于此鑄莫邪劍因爲山名

王僧虔吳郡地志云吳人造劍二陽曰干將陰曰莫邪其妻名

又南中記云濠水流合于金塘源出縣西莫邪山是也平觀見

元和郡縣志鍾離縣西濠水出縣西南莫邪山北入淮

元豐九域志鍾離有莫邪山

太平寰宇記鍾離縣莫邪山古者于此山鑄莫邪劍鍾離文獻

懷遠縣志

卷一

地理志

十八

縣

大清一統志洛河山在懷遠縣南六十里以近洛水故各周四

十里西峯曰鴻山東峯曰神山兩峯迤邐連屬出煤炭土人斫

石燒灰以搏埴爲業又各上窰山路本崎嶇元嘉泰間浙人陳

運成修成坦道稍東爲大橫山中有仙人洞

讀史方輿紀要懷遠縣洛河山在縣南六十里以近洛河而名

山產煤炭

鳳陽府志洛河山在縣南六十里以近洛水而名其西峯曰洪

山高二百三十七丈其東峯曰神山高二百四十五丈兩峯聯

屬上出煤炭草色微黑

江南通志洛河山在縣南六十里以近洛河而名其西峯曰洪

山東峯曰神山出煤炭

舊縣志洛河山在縣南六十里以近洛河而名其西峯曰鴻山

高一百三十七丈東峯曰神山高二百四十五丈周四十里兩

峯迤邐產煤炭下有煤窰土人斫石燒灰搏埴爲埴燒造盆盎

等器故山多窰窟亦各上窰山又產赤石白堊墜壑者取焉中

有石山口爲東西孔道路初崎嶇元嘉泰間浙人陳運成修成

坦道有鄉人張羽碑記久圯山之北有河外小而內闊曲折可

數丈周可丈餘相傳有仙人在焉因名曰仙人洞河旁有小洞

深不可測遊人拋石但隱隱以聲絕而止大橫山在縣南六

十里考城之南卽洛河山之東條也中有仙人洞新城山在

縣南四十里近新城故名高一百餘丈周六十里上有灰窰二

懷遠縣志

卷一

地理志

十九

座

頁震鳳陽縣志莫邪山在鳳陽縣南山之南定遠境內水經注

言淮水北逕莫邪山西山南有陰陵故城又言淮水自莫邪山

東北逕馬頭城又言濠水出莫邪山東北之巖歷觀諸說所謂

莫邪山者似連懷遠上窰鳳陽西山俱在內不專指定遠境內

一峯而言也蓋古人各山舉其大要如北方之終南熊耳太行

南方之廬阜武夷羅浮皆連延數百里峯巒無數統以一名土

人或指其一峯一巒各爲標目古人無是也然則所謂莫邪山

者西界懷遠南界定遠北界鳳陽東界臨淮東西百餘里南北

五六十里岡巒峯巒連屬不斷通歸莫邪水經注所謂陰陵縣

陽亭北者亦卽此山也如是乃與水經注所言莫邪山相合